

探者如登天而探月窟入海而探驪珠蓋此玄中之妙妙中之平固未易探求也性命二字原不可分蓋性命一陰陽也命動也陽也性靜也陰也了命須悟性盡性卽立命果能性如激潭皎月萬化俱空則性既靜而氣不亂氣不亂而精固精固則神旺神旺則探玄如探囊矣

名曰大道只在目前

道道非常道名名無定名虎龍鉛汞氣化作一金身是故大道不外后先而神機獨藏心目后利於目前先更利於目前若當此檻外名花尊中清酒而反側身面壁謂非天下之鈍漢耶非有見非無見更可由此悟矣

道藏輯要

三寶心證

卷

壁集四

有無孰辨陰陽無愆

有無卽后先后先卽陰陽花柳無愆期和風之披拂身心無障礙道力之沉雄辨生殺之機於兩弦圖寒暑之狀於一氣其惟洞曉陰陽深達造化者能之

今當下手前有命關

既熟辨矣無愆矣子午用功其可緩耶上有山巖中有真穴下有涌泉君子守中下達於地上通於天運行無滯統攝後先有人無出功由此全命藏於此性亦寄焉氣之不存命不我延生人之本號曰命關

若存若亡運於斯圈寶之寶之眞法已宣

不可以有心守不可以無心求所謂必有事焉而勿正勿忘也色色虛空步步歸著運之又運道妙無窮是在寶之者不負所授耳

六合茫茫誰出乾坤之外眾生攘攘莫非離坎之功惜也朝生暮死有類蜉蝣傷哉蟄氣通閭不如龜鹿甚至趨名狗利渾如羶集青蠅那知歛息凝神美彼松棲白鶴是以祖師慈悲念切不棄塵寰普度心專形諸竹素樽前花下洩玄奧於詩詞嘯月吟風剖乾元於功訣但願以愛色之心愛命卽是雲梯以藏天之道藏身方能捉月嚼酸齒頰直須噉破虛空抽出鋒芒只要磨還元本同躋彼岸槎櫂

道藏輯要

三寶心證

美

壁集四

俟之妄議微玄管窺云耳海蟾子謹跋

土集西池度楫

西池金母少女太真王夫人著

孚佑上帝回春子注

蓋聞乾健統天坤順得主資生之道含二氣以網緼交泰之和統三才而埏埴德言恭貌坤道云全淑慎溫柔闡義斯著至於夙鍾靈氣生具慧姿錦織迴文猶受連波之憎豔同埋青冢空歸夜月之魂其他霧鬢雲鬟沈迷苦海啼香怨粉填入火坑五漏形骸本是前生業障三因不悟又增今世冤愆其間修短窮通不能枚舉妍嗤愚智何可勝